



Broj: 02-02-5434 – 1//20
Lukavac, 27.10.2020. godine

Na osnovu Budžeta Općine Lukavac za 2020. godinu („Službeni glasnik Općine Lukavac“, broj: 1/20) i Odluke o izvršenju Budžeta Općine Lukavac za 2020. godinu („Službeni glasnik općine Lukavac“, broj: 1/20), Odluke o stipendiranju, nabavci udžbenika i školskog pribora učenicima osnovnih i srednjih škola iz romske populacije sa područja općine Lukavac u školskoj 2020/2021 godini broj: 02-02-5434/20 od 21.10.2020.g., Općinski načelnik objavljuje:

JAVNI POZIV

za stipendiranje, nabavku udžbenika i školskog pribora učenicima osnovnih i srednjih škola iz romske populacije sa područja općine Lukavac u školskoj 2020/2021. godini

I

Objavljuje se Javni poziv u budžetskoj 2020. godini za dodjelu 15 (petnaest) stipendija i nabavku udžbenika i školskog pribora za 6 (šest) učenika osnovnih i srednjih škola iz romske populacije, koji imaju prebivalište na području općine Lukavac, za školsku 2020/2021. godinu, kako slijedi:

- 8 (osam) stipendija za učenike osnovne škole;
- 5 (pet) stipendija za učenike srednje škole;
- 1 (jedna) stipendija za uspješne sportiste učenike osnovne škole;
- 1 (jedna) stipendija za uspješne sportiste učenike srednje škole;
- 6 (šest) iznosa sredstava za nabavku udžbenika i školskog pribora.

II

Stipendije se dodjeljuju za jednu školsku godinu i biće isplaćene za 9 (devet) mjeseci školske 2020./2021. godine.

Visina mjesečne stipendije za učenike i učenike uspješne sportiste iznosi 50,00 KM po jednom učeniku, odnosno učeniku sportisti.

Visina sredstava za nabavku udžbenika i školskog pribora za školsku 2020./2021. godinu iznosi 200,00 KM po jednom učeniku i biće isplaćena jednokratno.

III

Uz zahtjev za dodjelu stipendije ili nabavku udžbenika i školskog pribora kandidati su dužni priložiti slijedeću dokumentaciju (original ili ovjerena kopija):

- rodni list u kojem je navedeno da učenik pripada romskoj populaciji;
- izjava da je učenik pripadnik romske populacije;
- kućna lista;
- Izjava da kandidat nije korisnik stipendije po drugom osnovu;
- potvrda o mjestu prebivališta - CIPS obrazac (prebivalište na području općine Lukavac najmanje 1 godinu);

Strana 1 od 3





- potvrda škole o redovnom školovanju;
- potvrdu iz škole o prosjeku ocjena iz prethodne školske godine;
- Uvjerenje od JU Službe za zapošljavanje TK Tuzla – Biro Lukavac za oba roditelja, a ako su oba roditelja nezaposlena i nisu prijavljena kod JU Služba za zapošljavanje TK – Biro Lukavac, Uvjerenje od Biroa da se ne nalaze na evidenciji i ovjerenu izjavu da su nezaposleni;
- uvjerenje o pripadnosti boračkoj populaciji;
- uvjerenje Centra za socijalni rad Lukavac o priznavanju statusa civilne žrtve rata ili statusa korisnika stalne socijalne pomoći;
- uvjerenje o prihodima za sve zaposlene članove domaćinstva (tri posljednje platne liste ili potvrda o prosječnoj plaći u posljednja tri mjeseca, tri posljednja penzijska čeka, tri posljednje invalidnine iz oblasti BIZ-a, prihod po osnovu privredne, uslužne ili druge djelatnosti, dopunskog rada, imovinskih prava u posljednja tri mjeseca i sl.);
- učenici osobe sa invaliditetom su obavezni dostaviti rješenje o stepenu invalidnosti od „Centra za socijalni rad“ Lukavac.

III

Uz zahtjev, učenici – uspješni sportisti osnovnih i srednjih škola su dužni priložiti slijedeću dokumentaciju (original ili ovjerena kopija):

- potvrda o mjestu prebivališta -CIPS obrazac (prebivalište na području općine Lukavac najmanje 1 (jednu) godinu);
- potvrda da je učenik prvi put upisao odgovarajuću školsku godinu u statusu redovnog učenika;
- izjava da kandidat ne prima stipendiju ili kredit drugog davaoca po osnovu sportskih aktivnosti;
- za učenika sportistu rješenje o registraciji kluba čiji je član;
- kućna lista;
- potvrda o prihodima, potvrda o nezaposlenosti ili druga adekvatna potvrda o imovnom stanju za svakog punoljetnog člana domaćinstva.

IV

Javni poziv ostaje otvoren 15 (petnaest) dana od dana objavljivanja, odnosno od 27.10.2020. godine, a isti će biti objavljen na oglasnoj ploči Općine Lukavac i službenoj internet stranici Općine Lukavac.

Komisija za dodjelu stipendija, nabavku udžbenika i školskog pribora izvršit će bodovanje kandidata i utvrditi privremenu rang listu kandidata na koju se može podnijeti prigovor Općinskom načelniku u roku od 8 (osam) dana od dana objavljivanja iste.

Odluku o prigovoru, Općinski načelnik donosi u roku od 7 (sedam) dana. Odluka Općinskog načelnika o prigovoru je konačna.

Nakon rješavanja prigovora, Općinski načelnik utvrdit će konačnu rang listu kandidata za dodjelu stipendija, nabavku udžbenika i školskog pribora.

Neblagovremeni i nepotpuni zahtjevi neće se uzeti u razmatranje.

V

Prijave na Javni poziv sa potrebnom dokumentacijom slati na adresu:





Općina Lukavac – Općinski načelnik
„Komisija za dodjelu stipendija, nabavku udžbenika i školskog pribora
Trg slobode br. 1, 75300 Lukavac
ili
lično u šalter sali Općine Lukavac svakim radnim danom od 07 – 15,30 sati.

OPĆINSKI NAČELNIK
Dr sci Edin Delić

